



"wayne chan"

27/05/2008 14:36

To <beStrong@fhh.gov.hk>

cc

bcc

Subject 唔贊成 "大家夾錢問題就可解決" 的logic

Urgent Return receipt Sign Encrypt

冇人唔想好的醫療(重最好唔駛俾錢)，冇醫生唔想多的人工(最好可以少D野做)，但係一味倒錢落去，係咪就會解決問題??

做野個part：又話好辛苦、壓力大，病人case多，冇充足時間睇病，又話人工唔夠.....
使用個part：又覺得質素唔見得好，人多、時間又長，重不斷縮皮.....

一個生活小故事，值得參考一下：

最近，阿媽成日覺得屋企四圍都擺滿雜物，覺得應該要買多幾個櫃翻黎，就可以放好的雜物；阿仔都覺得係啱，咁咪可以多的空間玩。阿爸唯有出錢一口氣買左三、四個超高身大櫃翻黎，三口子合力將四圍亂放的雜物塞晒入去，嘩！幾企理呀，阿媽開心、阿仔又開心、阿爸.....雖然有點"肉赤"，但係佢兩個開心就OK啦！

唔夠一個月，阿媽又覺得屋企四圍都擺滿雜物，阿仔又抱怨間屋冇乜地方俾佢玩。不如再買多幾個櫃翻黎塞雜物啦，但阿媽諗來諗去，好似冇乜位置容納多幾個櫃.....阿仔話不如換過間大屋啦，咪多的地方擺櫃，又多的地方玩！係啱！阿媽都有同感。

但係今次阿爸忍無可忍！直斥其非：你兩個同我聽住！我絕對唔反對生活條件可以改善，但係再大間的屋，咪又係唔駛兩個月就俾你地四圍都擺滿雜物！阿媽你有冇檢討下你自己？見到的新野、得意野就買，買左又冇好好使用，又係放埋一邊，舊野又唔及時處理！阿仔，你呀！講過幾多次用完D野要放翻原位，咪成日周圍亂放，搵唔到就又叫阿媽買！咁樣態度，俾間屋再大幾倍，都俾你地塞爆啦！你兩個先檢討下的習慣好過啦！